


Craw. Jand. Univ. Sayell  
Promotiones Philos. Ord.  
1675 die 19 Octobr.



Quenza 2078.


Jarostawski Jan. Grilli: Trophaeum virtutis  
et doctrinae aurore Academicas septis  
in cruce dispositis purpuream Mechovien-  
sem Cruce[m] mutuo foedere coniungens.



Biblioteka Jagiellońska



stdr0003578



na egz. w dubl. notatka o autmie.  
"Obit Plebanus Gradiscensis  
Anno 1694"



# T R O P H Æ V M

## Virtutis & Doctrinæ,

Aureis Academiae Sceptis in Crucem dispositis,  
Purpuream Miechouiensem CRUCEM mutuo fœdere  
CONIVNGENS.

VV.DD. VII. Primæ Laureæ Candidatis

D V M

In Alma Vniuersitate CRACOVIENSI,

P E R

*Clarissimum & Excellentissimum Dominum.*

D. M. B A S I L I V M  
O L S Z Y N S K I,

Philosophiæ Doctorem, Collegam Minorem, Linguae  
Græcæ Ordinarium PROFESSOREM.

*In Nobilissima Illustrum Hospitum Corona,*

Artium & Philosophiæ Baccalaurei

RITV SOLENNI RENUNTIARENTUR

Amoris & Gratulationis ergò.

A

Fr. IOANNE CYRILLO IAROSŁAWSKI,

*Ordinis Canoniorum Regularium, Sanctissimi Sepulchri Hiero-  
solymitani Conuentus Miechouiensis Professo.*

*Eiusdem Laureæ CANDIDATO,*

DEDICATVM.

*Anno Salutis 1675. Die 19. Mensis Octobris.*

---

C R A C O V I Æ.

Typis V N I V E R S I T A T I S.



IN STEMM A  
ILLVSTRISSIMI ET REVERENDISSIMI  
DOMINI,  
COADIUTORIS.



Clara triumphantum trabeis, herosa bipennis,  
Martis Sarmatici Nobile semper opus.  
Maxima continuis æquavit sacra Trophæis,  
Prisca Senatorum gloria priscus honos,  
Sub CRVCE purpurea nunc cælo militat; utquæ  
Tota Deo sacra sit, diligit arma Dei,  
Stemmata sic auxit victricia, nam decus omne  
Vincet in hoc signo, purpura sola CRVCIS.

BIBLIOTHECA

VNIV.

JAGELL

GRACOVENSIS

3590 m



ILLVSTRISSIMO ET REVERENDISSIMO DOMINO,

D. P E T R O

COMITI DE PILCA

KORYCINSKI,

Præposituræ Generalis MIECHOVIENSIS  
COADIUTORI.

Sanctissimi Domini Nostri,

C L E M E N T I S

Diuinâ Prouidentia PP. X.

Honoris CAMERARIO,

DECANO Pultouiensi, S. R. M. Secretario, &c. &c.

Domino Patrono, & BENEFACTORI

COLENDISSIMO.



*E*roicum in trophæis opus, non à sola Gradiui manu, sed ab ingenijs quoque venit. Illustrissime & Reuerendissime Domine. Militia decora cruenta sunt, dum cades gentium, & calentes adhuc populorum sanguine manubias ad operum portenta trahunt: ab ingeniorum placido conflictu, dulces & sine noxa veniunt triumphus; quorum corona ob alienum sanguinem non erubescunt; sudorem proprium, in frontibus coronati pro purpura habent. Pateat quidem animos Sapientia poscit; sed mirum est quàm in his auguste triumphet? quàm dignos purpurâ spiritus gerat? cum animorum Sceptra possedit. Subicere sic, & triumphare mentes innocentis victorie genus, trophæum illud habet; quod nunquam sanctius erigitur, nunquam felicius durat; quàm cum pietati sapientia, sapientia pietas sapit. Pateat tum demum Capitolium omne innocentibus animorum spolijs, sudoresq; suos non erubescat in eiusmodi arcubus & trophæis ingeniosus orbis; si victorias erudite pietatis publico monumento coronat; cum ex operibus, quæ immortalitatis spiraculo viuunt, vnum hoc sit: quod selectissimos mortalium trahat, & in oculis Principum habeatur. Non indignum proinde amplissimo conspectu Tuo Trophæum hoc censuimus; cui à Virtute & Sapientia decus omne, dum Sceptris & purpurâ micat, tanto nomine insigniri meretur. Coniungimus hic sceptra CRVCI verumq; insigne tibi dilectum; ob vtramq; Matrem, à qua prouenit vnice Tibi dilectam. Almam nimirum Vniuersitatem Cracouiensem & sacram Religionem meam: quarum Tu vt amor fieres & delictum, Filius esse voluisti, magno virtutis & sapientia partu, Ecclesie Patriæq; genitus in columnam. Vt enim splendidissimorum Natalium Tuorum par vetustas, &



gloria, eò usq; per omnes Senatorias, & Ecclesiasticas purpuras in Maioribus  
Tuis asurrexit; ut Regum Polonia in Comitibus de Pilca sanguis fieret: ita  
& Tu Magno animo Tuo formando Regiam Palladem Cracouiensem elegi-  
sti, eo politiori literatura profectu, ea cultissimi animi elegantia; quæ digna  
deinceps habita est, ut ei summa Regum & Orbis Pastorum oracula crede-  
rentur. Talem certe ex Illustrissimo olim, STEPHANO Comi-  
te de Pilca KORYCINSKI Magno Regni Cancellario nasci Te  
deciuit, ut in Te & maiorum Tuorum tota series & Parens ipse disertissimus  
loqueretur: quesitoq; per cultissimas Europa Nationes magno prudentiæ usu,  
bono publico saperet & prodesset. Actum id à Te coram Augustis capitibus  
& in facie Reipublicæ, summa toties cum laude; dum à Serenissimo olim  
IOANNE CASIMIRO negotijs publicis adhibitus, ac Regiæ volun-  
tatis ad Ordinem Equestrem toties Interpres, ac Prouinciarum in Maximis  
Comitijs Legatus Maieitati Regiæ & Patrijs Legibus ita consultum esse vo-  
luisti, ut ubiq; insignem Prudentiæ & miræ cuiusdam in obeundis Legatio-  
nibus felicitatis gloriam referres. Aureum ad id Tripodem hic Delphicum  
non inquirō. Roma Tibi Oraculum maximum, & supremus Elogiorum, de  
Te Vaticanus Apex, illo Honoris plenissimo sensu: cum Te inter Camerarios  
Honoris à Sanctissimo Domino Nostro CLEMENTE X. Ponti-  
fice Maximo cooptatum, ab eodem, ad Serenissimum olim MICHAE-  
LEM Poloniæ Regem, ea Legatione fungi voluit; in quo Te Rosam, &  
Gladium benedictum, contra inimicos CRVCI Christi Principi Nostro de-  
ferentem, tantoq; munere gloriosè perfunctum Orbis Polonus suspexit. Emi-  
nuit tum animi Tui magnitudo, Eloquentiæ dignitas, spectatissimum in rebus  
agendis, iudicium, dotesq; illæ, quibus tu summa omnia mereris; ut optime sanè  
Illustrissimus & Reuerendissimus Patruus Tuus ALBERTVS  
Comes de Pilca KORYCINSKI, Archiepiscopus Leopoliensis.  
Præpositus Generalis Miechouiensis censuerit: qui Te in Coadiuto-  
rem suum eligens omnium honorifica de Te iudicia confirmavit. Submisisti  
& Tu heroicum animum Tuum CRVCI Nostræ Purpureæ, imò eam supra  
omnes purpuras æstimans, hoc insigniri Trophæo voluisti; ut à Diuini Stem-  
matis Augustissimo ornamento Gentilitiæ Ascie Tuae splendor adaugeres. Se-  
curam proinde gratiæ, quia rem Tibi dilectam, in hoc Virtutis & Sapientiæ  
Trophæo, Religioso pariter, & Literato cultu ad Te deferimus. Ut enim  
Fasces literati à CRVCE non seiuncti, ita & CRVX ab his non diuisa con-  
uenientius alibi deponi non potest; quàm in sinu Tuo, ad quem sacra omnia  
decora confluunt; ut fauceas utriq; ea gratiæ & protectione, quæ Musas Aca-  
demicas & Ordinem Nostrum complecteris. Id Tibi communi omnium No-  
strum voto comprecante, ut Religionis, & literarum honos in Trophæo gloriæ  
Tuae, quàm felicissime asurgat.

Illustrissima & Reuerendissima Dominationis Vestræ

Cliens humillimus

FR. IOANNES CYRILLVS IAROSLAWSKI,  
Conuentus Miechouiensis Professus,  
Primæ Laureæ Candidatus.



M A G N O  
SCEPTRORVM ACADEMICORVM  
P A T R O N O.  
Z E L A N T I S S I M O  
PVRPVREÆ CRVCIS CHRISTI  
A M A T O R I  
D. IOANNI CANTIO,

Ode Votiua.

**F**ædus æternum canimus, quod auro  
Purpuram iungit cruce consecratam  
DIVA quo Pallas sapiensq; virtus,  
Iure triumphat.

Aurcis nemo decorata SCEPTRIS,  
Regna possedit, nisi qui beatæ  
Sub CRVCIS signo, meruit coruscas  
Sumere fasces.

CRVX triumphorum series; nec vnquam  
Itur ad Regnum sapiens, recusat  
Si pati Virtus, nec ad alta pectus  
Sudat anhelum.

Norma Virtutis, Sapientiæque  
Diue tu nobis Pater extitisti,  
Fædus hoc sacrum dedit innocentis,  
CRVX Tua vitæ

Aurei per te meruere fasces  
Dulce fulgoris iubar eruditi,  
Quo triplex seclum radiante claret  
Lumine Phæbi.

Sed CRVCEM fidus labor, & cruentis  
Purpuram signat meritis rubentem:  
Hoc iter nobis tua sanctitatis  
Gloria fixit.

CRVX tibi dulces epulas amoris  
CRVX tibi nectar sapidum; labores  
Sola CRVX Christi, Cathedrasq; fecit  
Hæc tibi dulces.

Imus exemplo Patris ergo nostri  
Subque victrici CRVCE Laurearum  
Sternimus nexum, tibi consecrato  
Diue trophæo.



CLARISSIMIS  
ET EXCELLENTISSIMIS DOMINIS,  
DD. EXAMINATORIBVS,

*Clarissimo & Excellentissimo Domino,*  
D. M. BASILIO OLSZYNSKI,  
Philosophiæ Doctori, Collegæ Minori, Ordinario Lin-  
guæ Græcæ PROFESSORI.

*ac interea*  
Philosophicæ Facultatis  
D E C A N O.

*Clarissimo, & Admodum Reuerendo Domino,*  
D. M. FRANCISCO  
PRZEWOSKI,  
Collegæ Maiori, Canonico Sanctæ Annæ, Regio & Vla-  
dislauiano Cursûs, ac Hebraicæ linguæ ordi-  
nario PROFESSORI.

*Excellentissimo, ac Doctissimo Domino,*  
D. M. FRANCISCO  
KACZOROWICZ,  
Philosophiæ Doctori Collegæ Minori.  
Gratitudo Lyrica.

**A**d summa rerum per Sapientiam  
Alter beatum, poscit in arduo  
Curas laborantum; graduq;  
Magnanimo per inhospitales  
Vadit recessus, Gadibus ultimis  
Ponens columnas, Herculeæ manus  
Opus stupendum. Litteratos  
Non licuit tenuisse fasces  
Dextrâ otiosa; nec pede languido  
Heroa Virtus, culmina gloriæ  
Conscendit; immortale fœdus  
Sceptra CRVCI sociata iungunt.

Securus



Securus ille est, purpureo rubens  
 Honos in ostro, qui meruit diu;  
 Nec sceptrum tam gemmis refulgent,  
 Quam trabeas riguo togatas,  
 Sudore pingit continuus labor,  
 Calensq; virtus. Hoc meritis tuis  
 Cedit trophaum purpuratâ  
 Veste rubens, simul & fideli  
 Labore partum, per Cathedras Sophum;  
 Quibus supremo vertice praesides;  
 Virtutis OLSZYNSKI togaq;  
 Arbitrio decus erudito,  
 Tibi Facultas credidit incluta.  
 Tu dignitati fers animum parem;  
 Cursusq; Vladislaviani  
 Post operam, regimen Sophorum  
 Fido Cathedris pectore sustines;  
 Fontesq; linguae lesiacae Sacros  
 Curaq; felici, vetustos  
 Graiugenum penetras recessus.  
 Tui sed ingens gloria nominis  
 Toto, PRZEWOŃSKI poscit Apolline  
 Dici; Cathedrarum Stagira  
 Tu columen, tripliciq; cursu  
 Inuictus, & tot purpureae toga  
 Cum laude summa, functus honoribus  
 Flos disputantium es, quem coronat  
 Nobile pectus & eruditum.  
 Os Tullianum, KACZOROWICZ tibi,  
 Et eloquenti nectare condita,  
 Dulcedo suade grande nomen  
 Ingenio tulit eleganti.  
 O quam togatis mentibus influis  
 Suavis Orator! super exedras!  
 Quando lagielonas triumphans  
 Flexanimam retulisse palmam,  
 Tot audientum visus es ordini.  
 Sic omnis in Vos gloria, sic decus  
 Redundat omne & Gratiarum  
 Iustus honos, capita alta, Vestra  
 Ambit corona. Vivite maximo  
 Rei Polonae per Cathedras bono;  
 Fascesq; cedant Laureati,  
 Purpurea CRVCIS in triumphos.



# T R O P H Æ V M

Virtutis & Doctrinæ.

I. V. & R. D. IOAN: CLEMENTI  
KAWALCZEWSKI,

Canonico Regulari Sanctissimi Sepulchri Hierosolymitani  
Conuentus Miechouiensis Professo.

**P**urpurei cedit tibi gloria prima trophæi  
Docte KAWALCZEWSKI, Sub quo cōmunia tecū  
Me quoq; vota ligant, sacro donata SEPVLCHRO.  
Militat hoc pietas sub signo maxima victrix;  
CRVX in Academicis inuicto robore sceptris  
Vincit, & augusto sapientia fulget in ostro.  
Felici hoc nexu Miechouia semper adhæsit  
Altè Craciados Musis Regalibus, vno  
Pignore consocians carissima pectora, totque  
Coniungens animos, quot lautea sceptrā rubentem  
Ambiuere CRVCEM. Tua sic feliciter isto  
Fædere, Virtutis doctæ præstantia gaudet;  
Naturæq; bono data munera perficit inter  
Palladios cætus. Ne pulchris dotibus in te  
Sedula mens, solidusq; labor, constansq; deesset.  
Ergo triumphali Laurum coniunge trophæo;  
Te sacer Herodēm factis insignibus Ordo  
Te sapiens habeat Cathedrarum gloria dignum  
Fronte coronatā Myrtam: cui plenius olim  
Religionis honos, sacra fulgebit in auge.

II. V. D. BALTHASARO BONAV:

R O P D E Ł A Z Y.  
Z A R S K I,

**N**obiles cunas, generosa Virtus  
luncta doctrina, melius coronat;  
Sanguinis non est decus vniuersa

Gloria vite.

Dona fortuna, rapidi feruntur  
More torrentis; manet æternum  
Quod dedit Virtus sapiens, fideli

Nixa labore.

Et tua



*Et tua ZARSKI placuit iuventa,  
Additum Ceris, decus hoc Paternis,  
Quod tuis partum meritis, auitos  
Anget honores.*

*Ingeni palmam studio referre;  
Cum Viris Doctis sapere, & togato  
Posse censeri numero, decorum  
Iure putasti.*

*Sic honos creuit geminatus in te  
Indolem cultam generosus ardor  
Sic ad illustrem feret erudito  
Tramite famam.*

IV. V.D. MATHÆO CASIMIRO  
KOSTRZYCKI,

**M**aturis animi dotibus, elegans  
Si cultus veniat Palladis inclytæ  
Magnos sæpè Viros reddit honoribus  
Doctis ingenio pares.  
Multis Icario cerca spiritu  
In sublime volant pectora, sed citò  
Languescunt. Sapiens Dædalus impetum  
Pennarum volucrem regit.  
Ætas iudicium quod tibi contulit  
KOSTRZYCKI, placidæ fræna modestiæ  
Constantisq; animi, cum studio gerit  
Morum compositum decus.  
Hoc est quod nimios non habet impetus  
Sedatosq; facit. Nam sapientiæ  
Fructus maximus est, imperium sui  
Et constantia pectoris :  
Illi sedulitas in studijs comes,  
Te cordis faciet magnanimi Virum  
Dignum, cui regimen nobile mentium  
Pubes Lechica debeat.

V. V.D. IOANNI STEFANSKI,

**E**ximij sequeris vestigia clara Parentis,  
Dum tibi Palladius Vertice floret honos.  
Exemplo docuit tanto sapuisse STEFANSKI  
Quod tibi formauit Pallas amica Domi.



*Felices animi quibus est concessa facultas  
 Discere, maiorum quod monumenta docent  
 Quod virtus loquitur, quod singula moribus acta.  
 Præcipiunt, speculo quod meliore nitet.  
 Ægyptum petière alij petière Pelasgi.  
 Per mare per terras dogmata clara soli.  
 Audirièr græves Latio spectante Catones  
 Et quidquid doctum cultior orbis habet  
 Omnia sunt alijs præstò virtute Paterna  
 Si modò complaceat, quæ bona, velle sequi.  
 Hæc fortuna tibi data calitùs excitat omnem  
 Virtutis stimulum perpetuoq; monet:  
 Ut decus hoc paribus meritis tuearis amesq;  
 Quod dilexisti, nobile dogma sophum;  
 Prouehet hoc studium te celsius, atq; paterno  
 Ad summas laurus, te dabit ire gradu.*

V. V. D. IOSEPHO CONSTANTINO  
 CZACHOWSKI,

*F*asces togati, quod CRVCIS aureæ  
 Exempla forment; mens generosior  
 Terretur haud vnquam CZACHOWSKI  
 Dulcis enim labor eruditos  
 Fructus amanti; nec cruciant graues  
 Curæ sophorum, si Sapientiæ  
 Spectetur immortale nomen,  
 Gloria si meritis parata  
 Quam sit perennis, mens bona cogitet:  
 Hoc calcar in te pectoris optimi  
 Videmus vt perplexa rerum  
 Ingenij bonitate vincis:  
 Vt eloquentum dulcor amabilis  
 Oris disertis Nestora te facit:  
 Dum nulla Virtutem fatigat  
 Cura operis; sed honesta semper  
 Maiore laudis spirat anhelitu  
 Tuliteratis mentibus additus  
 Honoris ornamenta cepti  
 Dotibus egregijs adauge. |

VII. V. D. IO.



VII. V. D. IOANNI  
PANKOWSKI

*S*eptenus numero te locus impari  
Censeri voluit. nempe laboribus  
Quasitam, decus est, ferre coronidem,  
Septenisq; datas artibus, in suo  
Laurus Palladias claudere termino.  
Nil est, ingenijs quod locus auferat,  
Clarum si iubar est, lucida non tegit  
Ornamenta Viri. sidus id aureum,  
Quod quocunq; loci fulgurat ordine.  
PANKOWSKI studium te feret altius,  
Cui tu per Cathedras inuigilas Sophum  
Clarebisq; magis, quo magis propria  
Formas locis opus. Stoa quod abdidit  
Arcanis laribus, luce sub omnium  
Consecrare tuis perget honoribus.  
Ergo clauditur hic purpurea CRVCIS  
Sceptrorumq; iubar Palladis aureum  
In te quod sociat pectus amabile  
Septenisq; nitens viuet adorcis  
Consignata tuo nomine gloria.

III. V. & R. D. IOANNI CYRILLO  
IAROSLAWSKI,

Ordinis Canoniorum Regularium, Sanctissimi Sepul-  
chri Domini Hierosolymitani Conuentus Mic-  
chouiensis Professo. Authori operis.

Primæ Laureæ CANDIDATO,

*Mutuum grati pectoris Symbolum, amoris & gratulationis ergo testatur.*

BALTHASAR BONAVENTURA

R O P D E Z A Z Y

Z A R S K I,

Eiusdem Laureæ Candidatus.



**A** Ram cum Musis vnâ qui sede locauit  
 Hunc ab vtrinq; beant, commoda multa virum.  
 Non aliter quàm dum concurrunt flumina tecum,  
 Lympharum semper copia maior adest.  
 Ditiôr est alijs plures qui possidet agros,  
 Et binum robur fortius esse solet.  
 Sic cui complacuit Musis connectere Sacra,  
 Hic magis vnità prosperitate viget.  
 Auriferis quidquid Lymphis fert Hebrus & Indus  
 Cum gazis Cræsi, labide pignus id est.  
 Per Musas arasq; simul quod floret amænè,  
 Floret idem seclis, firmitus atq; manet.  
 Quæ duo dum socias, donum complecteris amplum,  
 Cum CRVCE purpureâ laurea ferta gerens.  
 Indè venit clarum IAROSLAWSKI tibi nomen,  
 Indè nouum surgit per noua ferta decus.  
 Religione sacrâ non sufficit esse coruscum,  
 Addis luminibus lumina docta tuis.  
 Cumq; tibi niueum teneat sapientia pectus,  
 Et maneat cordi cùm pietatis amor.  
 Cùmq; Patrum teneas Vestigia clara tuorum,  
 Sub CRVCE purpureâ qui sapuere Deo.  
 Dignus es vt sacri pulcherrima dona trophæi;  
 Et doctæ referas laurea ferta Togæ.  
 Et quia tu nostras ornasti carmine laurus,  
 Reddimus ergo tuis, carmina carminibus.

---

SVB FELICIBVS AVSPICIJS,  
*Magnifici, Perillustri, & A. R. Domini,*  
**D. M. SIMONIS**  
**MAKOWSKI,**  
 Sacræ Theologiæ Professoris, Collegæ Majoris, Ecclesiæ  
 Collegiatæ S. FLORIANI Canonici, S. R. M. Se-  
 cretarij, Almæ Vniuersitatis Academix Cra-  
 couiensis Generalis, & vigilantissimi  
**R E C T O R I S.**



80

S.

S

lesia

e-

25



